

Dimisioak Nafarroako Hizkuntza Politikan

ZUZENDARITZA NAGUSIKO ARDURADUNEK DIMISIOA AURKEZTU DUTE, LAN EGITEKO «EZINA» DELA ETA

Gobernuaren asmo murriztaileak bururik gabe utzi du Nafarroako Hizkuntza Politika

■ Fernando Perez de Viñaspre zuzendari nagusiarekin batera, beste bi zerbitzutako zuzendariek ere dimisioa aurkeztu dute

■ Nafarroako Gobernuak administrazioan euskararen erabilera arautzeko prest duen zirriborroak bizkortu du erabakia

■ Euskararen merezimendu oro kendu nahi du UPNk, zirkuitu elebidunak baztertu eta errotulazioetan euskara ahaztu

Alberto Barandiaran / Iruñea

EUSKARAREN inguruan Nafarroan aspaldi honetan sortu den eztabaidak eta planteatu diren iritziek «berez zailak diren baldintzetan» lan egitea «ezina» egiten dutela eta, Nafarroako Hizkuntza Politikako Zuzendaritza Nagusiko talde arduradunak dimisioa aurkeztu dio Jesus Laguna Hezkuntza kontseilariari. Nahiz eta atzo hiru zuzendariek ez zuten adierazpenik egin nahi izan, EGUNKARIAK jakin du, azken hila-beteotako ika-mikak ez ezik, administrazio publikoetan euskararen erabilera arautzeko Gobernuak berak aspalditik prest daukan foru dekretuaren zirriborroak ere pisu handia izan duela erabakia hartzean. Idazkian hiru zuzendariek diotenez, aurreikusi den aldaketak haien lanari «edukia» kenduko lioke, «Nafarroako Gobernuak hizkuntza politikaren alorrean onetsitako helburu gehienak baztertuko bailituzke».

Dimisioaren berri emateko idazkia Fernando Perez de Viñaspre zuzendari nagusiak, Juan Ramon Elorz Eus-



JOXE LACALLE

Fernando Perez de Viñaspre, atzo arte Nafarroako Hizkuntza Politikarako zuzendari nagusia izandakoa.

kararen Normalizazio eta Sustapen Zerbitzuko zuzendariak eta Jose Manuel Urroz Programazio eta Ikerketa Zerbitzuko zuzendariak sinatzen badute ere, Programazio Ataleko buru Juan Manuel Fontalbak ere bat egin du aurrekoekin.

Laguna kontseilariak onartu du dimisioa

Deliberoaren berri atzo jakin bazen ere, Jesus Laguna Hezkuntza kontseilariak onartua du dagoeneko dimisioa.

Praktikan, zuzendaritza

nagusiaren burugabetzea da. Atzo bertan galdetutako iturriek nabarmendu egin zuten UPNk eta PSNk haizatutako asmoak bertan sortu duen kezka, eta baziren zuzendaritza nagusia bera desegin litekeela esaten zutenak.

Erregionalisten eta sozia-

listen aburuak eta hizkuntza politika murrizteko egin iradokizunak gogo berotu dute, baina Gobernuak prest daukan zirriborroa izan da azken tanta. UPNk nahi du areago murriztu administrazioan euskararen erabilera, adibidez euskara merezimenduen zerrendatik kenduz, zirkuitu elebidunen asmoa ahaztuz eta abar, eta aldaketa gauzatzeko ez du ezertarako kontuan hartu Hizkuntza Politikako buruen iritzia. Hark, egoera gertutik ezagutzen dutenek nabarmendu dutenez, ondorez sakona sortu du bertan. «Bazterketa» hitza ere aipatzen zen atzo zuzendaritza nagusian.

Alderdien arteko polemikarekin haserre

Ez da hori kexu bakarra, hala ere. Miguel Sanzek iaz iragarri zuenean aztertu egingo zituztela «Nafarroako errealtatea» errespetatzen ez zuten testu liburuak eta argitalpenak, Hizkuntza Politikako zuzendariengan haserre bizia sortu zuen, seinatuta sentitu zirelako. Azken egunotan ere zuzendaritza kontrolatu beharra behin eta berriro

agiria

Hizkuntza Politikarako zuzendaritza nagusiaren oharra

Dimisioaren zergatiak agiri baten bitartez azaldu zituzten atzo Perez de Viñaspre, Elor eta Urrozek. Hona agiria, osorik.

■ Berriki Nafarroan euskararen egoerari buruz sortu den eztabaida dela kausa, eta bereziki, azken egunotan plazaratu diren iritzi eta iruzkinen aitzinean, horietako zenbaitek Hizkuntza Politikarako Zuzendaritza Nagusiak egiten duen lana saminkritikatu baitu, bertako zuzendari

nagusia eta Euskararen Normalizazio eta Sustapen Zerbitzuko eta Programazio eta Ikerketa Zerbitzuko zuzendariak garen aldetik beharturik gaude gure jarrera plazaratzera.

Nafarroako Gobernuak Hizkuntza Politikarako Zuzendaritza Nagusia beti aritu da, ezin bertzenaz izan, indarrean dagoen legeriari hertsiki lotuz, 1986ko Euskararen Foru Legea betez, honek, funtsezko helburua Nafarroan euskararen berreskurapena eta garapena begiratzea baitu (1. Artikulua, 2b), Zuzendaritza Nagusi honi esleitutako eginbeharrei jarraikiz (364/1999 Foru Dekretua, Hezkuntza eta Kultura Departamentuaren egitura organikoa ezartzen duena), baita legealdi honetarako

Hezkuntza eta Kultura kontseilariak hizkuntza politikaren arloan finkatutako jardunbideak (1999ko urriaren 6ko agerraldi parlamentarioa) eta Hizkuntza Politikarako Zuzendaritza Nagusiarendako ofizialki onetsitako helburuak ere betez (ikus Nafarroako 2.000 urterako Aurrekontu Orokorrei buruzko Legea). Jakina, Zuzendaritza honen lan helburua eta izatearen zioa euskararen sustapena da, hots, hizkuntza guztiek aitorturik dituzten erabilera komuneko eremu orotan.

Horrela, bada, uste dugu ezin dela izaera orokorreko deskalkifikaziorik egin, ekintza zehatz eta egiaztagarrietan oinarritu gabe, gehienetan hizkuntza hau ezagutzen ez dutenek

eginak; noizbait indarrean dagoen arautegia ez bada bete, dagozkion datuak ekarriz salatu behar da, eta horrela ez bada izan, aurreiritzietan edo ezjakintasunean oinarritutako kritika oro alferrikakoa da. Hizkuntza Politikarako Zuzendaritza Nagusiak bere esfortzu guztiak euskararen sustapenean, eremu guztietan, legeko manua betez egin izana, ez daiteke deskalkifikaziorako gaia izan. Ezta Zuzendaritza Nagusi honetan lan egiten duten langile guztiek, teknikarietatik langile laguntzaileetara, profesionaltasunez, indarrean dagoen arautegia bete izana eta Nafarroako Gobernuak, esplizituki, esleitu eta onetsi dizkien eginbeharra egin izana ere.